

卯學齋日記後甲集之上

鄧庚甫日記述甲寅之上

紀光緒上章攝提格畢相之月訖
是歲則涂之月辛卯立春之後一日

鯢學淵日記後乙丑
集上正

荀學齋日記後乙集之上

光緒十有六年庚寅殊七月己巳朔晴酷熱數日 是日素食以水災甚

重無力於人惟戒殺生庶免造孽本擬月齋十日而疾病過臻津液已枯不

能過薄滋味月以六日而已 今日欲詣先賢祠拈香已命人持香燭往而

索日奔走適不能興展轉小牀惟有歎悵 華生編修學闌求不能

瑞芬

見得歸甥畱里中書

初二日庚午雨至午尤密竟日淋漓 上午詣金浙館赴漱蘭侍郎之飲坐

有段夫斐殊子培定舅萼庭子虞漱翁以余言不設難見多具葠脯亦甚

可食也館中新栽花樹得雨青蔥然聞檐溜聲又不免相顧慙歎耳

傍晚冒雨歸

定舅來 是日 西苑春藕齋 萬壽潭劇 賜廷臣宴始

畢自六月二十四日至二十七日又今月一日二日共六日樂燕推班不視事較往年
多兩日六部侍郎得與者惟昨今兩日耳外間班伎多傳入演亦有甚庸下
者聞內中宴樂尚有數日也

付僕人兩帽鞍軍等銀二兩

初三日早未晴仍酷暑 介唐夫人送王姬歸 下午答客及拜同官皆宣

南近巷一二里間凡二十餘家晤介唐華伯穀夫子獻晚歸 陳六舟來

師鈔吏部尚書麟書奏請續假一月並派署差使

初吏部尚書及管戶部三庫事務著福錕署理

初四日壬申晴酷熱如故 辰刻入署詣山西道上事具朝服拜印又詣

關帝廟及土地祠行禮午詣陝西道與湖廣道共一聽事頗宏敞十三道公所
也堂壁三面刻漢御史題名碑左一扁李琳校森光書鐵面冰心右一扁陸清

獻書邦之司直故事御史初到署若與同官團拜於此先新任者左前輩右
繼前輩左新任者右皆三敬首拜畢設宴惟先此次到署若為主人凡三席
新任若居中坐酒數行而已為費十二金京畿道吏於飯食銀中扣算之是日
河南道高登曾侍御為主人其補官先余十日也到者京畿道徐君乃詠胡君登
青陝西道戴恩博及同年褚百約而已高字理臣甲戌翰林嘗任山西學政胡
名太福戊辰進士嘗官刑部員外郎軍機章京與山西試皆湖北人下午歸付
賞本道書吏等錢五十千陝西道司茶吏錢四千 奕鶴樓副都來

德侍御德本來

徐叔鴻侍御 謝鈞來

繆履珊來

四君皆昨日來
請見若補記之

陳六

丹府尹來昨日見過不值今日復來蓋以災賑事相商也愧無寸策可裨民
生觀此哀鴻彌慙冠旁 劉幼丹侍御 心源來

初五日癸酉晴酷熱 五更起盥漱小食味爽坐車入前門至長安左門
下車詣 午門前都察院朝房憩坐一時許押諸京官坐班是日余派
查西班坐日圭亭之上其東班則高御史燮曾及滿御史某坐嘉量亭之上
西班滿御史德蔭不到已刻散步出東華門上車至康家胡同答拜張
肅菴侍御不值詣金忠甫同年久談小食出前門答拜數客至書玉家
小坐而歸 黃叔容來 陳夢生來 胡岱瞻來 褚百約來 祁
子和左都以其配孝夫人之喪來赴送奠儀于午
邸鈔奉天補用道張良授奉天東邊分巡道禮部郎中壽恒授江西吉南贛
甯分巡道

甯爾六月積金六兩
崇致寺六月房金六兩

初六日甲戌晴散金酷熱如故

竟日憊甚多臥

作書致介唐毅夫

子獻穆夫俱約明日晚飲 徐蔭軒協揆師來 高侍御變曾來

陸庶常承宗來 龐勛菴來 萬薇生本穀來 閱論語勿證大

指引諸家說以發明朱注而亦補其未前絕不攻擊亦不回護頗多切理磨心
之談惟所取宋元人如鄭汝諧陳天祥諸家則多支離肌理不足深信

師鈔

上諭御史劉綸襄奏殿廷考試請嚴除積弊一摺廷試為抡才大典閱卷大臣宜

如何秉公校閱若如所奏近來殿廷考試流弊漸多頗滋物議亟應嚴行整頓

嗣後派出之閱卷大臣等務當悉心詳閱遇有詩賦失音出韻及引用舛錯點畫

遺落者一律籤出不准擬取前列其分閱未入己手之卷並不准檢尋移置致滋弊

經陳看此

端如有校閱草率應籤不籤者定當予以懲處至呈遞詩片與科場暗通關節

若無異僮有此等情弊一經發覺定行分別嚴懲讀卷閱卷大臣均係朝廷特簡
詳不敢有心欺罔該御史所請欽派王公監試之處若毋庸議其所傳本科殿試一甲
二名進士文廷式策內閣面二字讀卷大臣並未籤出若派崑岡調取原卷查明據
實覆奏另片奏近來崇尚說文試卷中往往攙寫篆畫易啟揣摩迎合之習等語
并試文字不准書寫卦畫篆字例有明條嗣後鄉會試卷如有違式書寫各項變
體難字若著照科場條例認真辦理其殿廷考試僮似此違式者亦著一律懲
辦以肅功令

上諭御史劉綸奏吏部與內閣遇有補選缺出往往移前那後勾結營私此次
侍讀缺出遲至一百四十餘日始行帶領引見懸缺待人情弊顯然請飭將遲閣
之司官嚴參等語著吏部堂官確切查明據實覆奏

初七日己亥晴

先君子生日供饋特鳧一魚一魚翅羹一菜肴五因肴三時

果五盤饅頭一盤瑤珧一盤蓮子湯一巡酒三巡飯再巡茗飲四巡晡畢事

教夫子獻介唐段夫來晚治具於軒翠觴書玉後至邀甯齋同為七夕之飲

命阿張寄醵介唐夫人書五夫人於內夜二更始散 玉皇廟僧送上供菜八

色酬以二金 付僕人呢氈雨衣銀五兩三錢

付廚人賞錢十五千

邸鈔四川成都府知府朱其煊升湖北分守安襄鄖荆道

本任道陳維周故

翰林院侍讀學士徐會澄為詹事府少詹事

初八日丙子未初三刻九分處暑七月中晴酷熱晡忽金晦大風雨震霆傷晚

霽

上午入署晤掌道鳳彥臣 風來 唐暉庭椿森 協道麟伯仁 麟趾 核對

兵部注銷冊有提塘官來畫昨午散荅客數家出宣武門又荅客數家晤

可莊旭莊兄弟午後歸

聞醇邸病甚雷震時已昏絕不知人 上聞信

亟趨視不及整駕辟道至夜中始還內

初九日丁丑晴

章黼卿來

爽坪來

殷夢庭來

書至第五子周晔

詔以紅綠縐紗衣裁襪履襪襪襪襪

初十日戊寅晴發會

致夫來

王希卿來

比日病甚多臥閱紀文達五種

筆記以自遣

夜感涼發熱

邸鈔

上諭崑岡奏遵查文廷式試卷據實覆奏一摺據傳閱面二字係屬筆誤讀卷大

臣未經藏出所有此次讀卷大臣福錕徐桐麟書翁同龢高申徐郁廖壽恒汪

高慶均交該衙門照例議處

十一日己卯晴午穀食

病甚竟日欹欹憊臥

劉仙洲夫人來

得孫

生子宜六月十九日永春州書并銀二十兩為饋

得子培書借鈔本秦邊紀

略

夜雨徹旦

十二日庚辰霽放晴

仲役來

作書致張壁臣編修

筠以筱邨中丞欲

購孫忠烈公墓旁地葬其親屬余致書子宜昨子宜復書言必欲得地者須

以其資為義田以贍其族之貧者余以所索既過鉅而鄉賢魂魄所安即松楸

無傷亦未桑梓敬恭之義非必不得已者勿犯可也壁臣為筱邨妹婿故屬其

轉告且以子宜書寄閱得壁臣復

夜不寐以肝火上炎也五更起召集家

人申明家法

十三日辛巳晴

王廉生來

陸篤齋來以其從兄存齋觀察所著儀顧堂題

跋十六卷為贈中多祕笈罕購之本其考證亦遼密於宋人姓名多能掇拾輿地之書詳其世系官閥足補四庫提要及厲樊榭宋詩紀事等書之闕 作書致心雲 遂園北壠竹於南牆下

十四日壬午晴比日復熱甚 以明日中元節祀 光縣 三代神位圖供紫雲

命僧喜詣崇教寺祀亡室殯宮 黃漱文來 陶吉生家克來 許仲

韜按察饋十二金為別

即鈔

上諭前據張之洞奏游習開奏參革職之知府王秉恩等語無劣迹請旨飭查當經諭令繼格李瀚章查奏茲據奏稱王秉恩王存善魏恒等三員平日辦事認真致忠懇訪皆係可用之才陳寶防循分從公不堪造就該員等均無貪劣款迹請開復

原官等語廣東候補知府王秉恩候補通判王存善魏恒候補鹽經歷陳寶昉均准其開復原官仍留廣東按班補用

十五日癸未晴熱 先君子忌日供饋紫饌七豆加肉肴三 以中元節祀故寓

公得子獻書饋有饌一筵即復辭之 比日病甚至不能看書作字今日

又若腹中肝氣作痛 是夕望比夜月甚佳今夕尤皎

十六日甲申晴熱 彼夫來 哺出門答客數家晤王希卿久談至晚歸

是日腹痛益劇夜半後肝氣大上厥而衝心幾不能支

十七日乙酉晴 病甚延汪吏部文樞來診 介唐彼夫俱來視疾 班戾

來 服藥 付唐來同羊馬縣令錫 家藏助銀一兩 付汪吏部車錢十二千

十八日丙戌晴 腹痛小止仍前上再服汪幹廷方藥 介唐來為延參州孔

姓來按摩

致夫來

李蘭孫尚書來

鳳皇直隸廳同知張錫鑾來見

吾浙錢唐人

子九日丁亥晨密雨旋止終日多霽晴雨數作

子培來

是日病小愈傍起

坐軒翠船閱宋史

作書致額王如并是月三書院課題

午後日景甚

烈晴有霜

二十日戊子晴數金埃暫

得致夫書即復

作書致子培

作書致子

獻問其行期得復

再延汪幹廷吏部診脈服藥

祁子和左都來

孔醫再來按摩留之夜飯

致夫來

邱鈔

上諭

已授湖北鄖陽鎮總兵龔繼昌賦性勇敢戰功卓著照軍營立功後積勞

病後例從優議卹生平戰蹟宣付國史館立傳並祀江西貴州等處席寶田
專祠其城步縣本籍準由該家屬自行建祠以彰勞勩從王文韶請也

二十一日己丑上午晴熱甚下午疑會 服藥 介唐來 子獻來 新選貴

州安平縣知縣趙文偉來見 傍晚大風狂甚場塲蔽天

卹鈔

光祿寺少卿徐承煜為通政司參議

二十二日庚寅晴熱甚 閱鈔本盧象經所輯補宋遼金元四史藝文志

據倪閣公塲所擬修明史藝文志底本為之補訂仍載閣公所擬志序於首以
康熙初修明史時史官議以遼金元皆無藝文志宋志自咸淳以後亦多缺略
欲仿隋書兼五代史志之例為之補輯後其議不行故閣公志稿廢而不用哀